



Broj: 15-03-16-5-3-43/21
Datum: 22.4.2021. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **materijala za čišćenje**, objavljenom na *web* portalu Agencije za javne nabavke Bosne i Hercegovine, Obavještenjem o nabavci broj 1110-7-1-6-3-28/21 od 4.3.2021. godine i Ispravkom za Obavještenje o nabavci broj 1110-7-1-6-8-36/21 od 13.4.2021. godine, a koji je proveden postupkom konkurentskog zahtjeva za dostavljanje ponuda, je „**KECKOM“ d.o.o. Banjaluka.**

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Obavještenjem o nabavci broj 1110-7-1-6-3-28/21 od 4.3.2021. godine, ugovorni organ je zakazao otvaranje ponuda za 18.3.2021. godine za 12,00 časova. Dana 17.3.2021. godine žalilac „EURO-STAR“ d.o.o. Zenica je putem *e-mail-a* u PDF-u izjavio žalbu na Tendersku dokumentaciju. U skladu sa članom 110. Zakona o javnim nabavkama da izjavljena žalba odgađa nastavak postupka javne nabavke do donošenja odluke po žalbi ponuđač koji je dostavio ponudu do 10,00 časova 18.3.2021. godine je obaviješten da je postupak javne nabavke obustavljen.

Razmatrajući žalbu ocijenjeno je da je ista nepotpuna, zbog čega je od žalioca zatraženo da, u skladu sa čl. 59. i 60. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16) u cilju otklanjanja formalnih nedostataka žalbe, u roku od dva (2) dana pisanim putem na adresu ugovornog organa, dostavi svoju žalbu u originalu u tri (3) primjerka zajedno sa važećim rješenjem o registraciji. Navedeno je traženo cijeneći da je članom 59. Zakona o upravnom postupku definisano da je podnosilac podneska dužan svojeručno potpisati podnesak, te kako bi se utvrdilo da li je žalba izjavljena od ovlašćenog lica žalioca u skladu sa članom 100. stav (1) Zakona o javnim nabavkama.

Žalilac je dana 22.3.2021. godine dostavio ugovornom organu žalbu u originalu u tri (3) primjerka i važeće rješenje o registraciji. Ugovorni organ je izvršio uvid u dostavljene originalne



primjerke žalbe te utvrdio da isti imaju pečat, ali ne i potpis ovlaštenog lica. S obzirom da je neophodno da žalba sadrži potpis žalioaca u skladu sa tačkom j) člana 105. Zakona o javnim nabavkama, ugovorni organ je svojim dopisom od 22.3.2021. godine pozvao žalioaca da u roku od dva (2) dana dostavi žalbu u originalu potpisanu od strane ovlaštenog lica i sa pečatom. Navedeni zahtjev ugovornog organa žalilac je zaprimio 25.3.2021. godine.

Podnosilac žalbe u određenom roku nije otklonio formalne nedostatke žalbe, zbog čega je u skladu sa članom 60. stav (2) Zakona o upravnom postupku ocijenjeno da predmetna žalba nije ni podnesena. U skladu sa ovom odredbom i odredbom člana 100. stav (2) Zakona o javnim nabavkama žalba je odbačena kao neuredna Zaključkom ugovornog organa, broj 15-03-16-5-3-33/21 dana 1.4.2021. godine, protiv kojeg je žalilac imao pravo žalbe.

Po isteku roka za žalbu na pomenuti zaključak ugovornog organa, a u skladu sa članom 110. Zakona o javnim nabavkama, ugovorni organ je za 15.4.2021. godine u 12,00 časova Ispravkom za Obavještenje o nabavci zakazao javno otvaranje ponuda, a koje je bilo prvobitno zakazano za 18.3.2021. godine u 12,00 časova.

U skladu sa prvobitno zakazanim rokom za dostavljanje ponuda za 18.3.2021. godine do 10:00 sati (izmijenjeni rok za prijem ponuda u Ispravci za Obavještenje o nabavci je naveden za potrebe aktiviranja postupka i obavještenje zainteresovanih za učešće na javnom otvaranju ponuda), Komisija za provođenje postupka javne nabavke je pristupila otvaranju ponuda 15.4.2021. godine u 12,00 časova, te je konstatovala da je u ovom postupku javne nabavke na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla samo jedna (1) ponuda i to ponuđača „KECKOM“ d.o.o. Banjaluka (dostavljena dana 18.3.2021. godine u 8,30 časova). Neblagovremenih ponuda nije bilo.


Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da ponuda ponuđača „Keckom“ d.o.o. Banjaluka ispunjava sve zahtjeve u pogledu opisa predmeta nabavke i tehničkih specifikacija, odnosno da je ponuda kvalifikovana i prihvatljiva, a dokumenti su dostavljeni na propisan način kako je to definisano tenderskom dokumentacijom.

Analizom ponude, u postupku sa kriterijumom najniža cijena, Komisija je utvrdila da je ponuda ponuđača „KECKOM“ d.o.o. Banjaluka **sa ukupnom cijenom od 9.399,66 KM bez PDV-a, odnosno 10.997,60 KM sa PDV-om** najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Dr. sc. Arif Nanić

Signed by: ANANIC / digitalno potpisano / digitally signed